

ORDENANZA FISCAL Nº 28 REGULADORA DA TAXA POLA UTILIZACION DE EDIFICIOS E INSTALACIONES MUNICIPAIS

Artigo 1º.- Fundamento e natureza.

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases de Réxime Local e de conformidade co disposto nos artigos 15 a 19 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, o Concello de Fene establece a taxa pola utilización de edificios e instalacións municipais.

Artigo 2.- Feito imponible.

Constitúe o feito imponible desta taxa a utilización privativa dos seguintes edificios e instalacións municipais, nos termos establecidos na presente ordenanza:

Aulas da nave de formación e emprego.

Artigo 3.- Suxeito pasivo

Son suxeitos pasivos desta taxa as persoas físicas e xurídicas e as entidades a que se refire o art. 35 da Lei 58/2003, de 17 de decembro, Xeral Tributaria, a cuxo favor se outorguen as licencias para disfrutar da utilización privativa ou quen se beneficie da mesma, sen haber obtido licenza.

Artigo 4.- Exencións e bonificacións.

4.1.- Non se concederán exencións nin bonificación algunha na exacción da presente taxa.

4.2.-Non estarán suxeitas á taxa as seguintes actividades:

As patrocinadas ou subvencionadas polo Concello.

As realizadas ó amparo de convocatorias municipais.

As apoiadas por outras administracións públicas que se dirixan ó concello para solicitar a súa colaboración mediante a remisión dun programa de actividades.

As realizadas por centros educativos, asociacións e outros colectivos do concello sempre que estas actividades non se realicen con ánimo de lucro.

Artigo 5.- Cota tributaria.

5.1.-A cota tributaria a esixir resultará da aplicación das seguintes tarifas:

- Utilización da aula de formación con maquinaria: 20,40 €/hora
- Utilización aulas de formación para impartición de clases teóricas, sen maquinaria: 10,20 €/hora

5.2.-As cotas anteriores serán obxecto de modificación mediante a aplicación de coeficientes de incremento de carácter acumulativo en función do tipo de natureza da utilización e das diversas circunstancias concurrentes. Os coeficientes de aplicación ás tarifas especificadas nos apartados anteriores e cos que se practicará a liquidación da cota a satisfacer son os seguintes:

a) Se a utilización da instalación ten lugar en hora nocturna ou con luces, aplicarase un coeficiente de 0,15.

b) Se a utilización se realiza en domingo ou festivo, aplicarase un coeficiente de 0,15.

c) Se a utilización require que a limpeza se realice polo Concello, aplicarase un coeficiente de 0,15.

c) Calqueira outra circunstancia concurrente que deba ser tida en conta, e previo informe técnico de valoración económica, aplicarase un coeficiente de 0,20.

5.3.-Ademais do pago das taxas anteriores, correrán a cargo do suxeito pasivo os gastos de limpeza, vixiancia e calesqueira outros que se produzan, así como o deterioro e os desperfectos que se poideran producir.

5.4.-O suxeito pasivo estará obrigado a prestar fianza do 20% do importe total da cota a satisfacer cun importe mínimo de 60 euros.

Artigo 6.- Devengo.

6.1.-Devéngase a taxa e nace a obriga de contribuir cando se inicie o uso privativo , momento no que se entende que coincide coa concesión da licencia se a mesma foi solicitada.

6.2.-Sen perjuicio do advertido no apartado anterior, será preciso depositar o importe da taxa cando se presente a solicitude de autorización para disfrutar da utilización.

6.3.-Non se admitirá a trámite ningunha solicitude de licencia na que non se acompañe o xustificante de ingreso da taxa.

6.4.-En caso de desestimento formulado polo solicitante da autorización, con anterioridade á súa concesión ou expedición, a cota a liquidar quedará reducida ó 25% da que lle corresponda por aplicación da tarifa.

Cando non se autorizara a utilización privativa, ou a mesma non resultara posible por causas non imputables ó suxeito pasivo, procederá a devolución do importe satisfeito.

Artigo 7.-Normas de xestión.

7.1 A utilización privativa destes edificios e instalacións municipais poderá realizarse:

a) Sempre e cando non exista programación municipal coincidente en datas ou de institucións ou asociacións que teñan un acordo de colaboración co Concello ou que estén patrocinadas ou subvencionadas polo mesmo.

b) Sempre que exista dispoñibilidade de recursos humanos para a súa atención e seguridade das instalacións.

7.2.- As autorizacións deberán tramitarse ó menos con dez días de antelación.

7.3.-A concesión das autorizacións conlevará ademais do pago das taxas establecidas, outras obrigas como limpeza, seguridade, vixiancia, limitación de ruidos e horarios, etc tras a valoración da actividade a realizar e que serán recollidas con detalle na resolución de concesión da autorización.

DISPOSICION FINAL

A presente ordenanza entrará en vigor o día da súa publicación no Boletín Oficial da Provincia, e será de aplicación no exercicio 2011 permanecendo en vigor ata a súa modificación ou derogación expresa.